



Broj: I-25-1035-10/15
Mostar, 06.11.2015.g.

Na osnovu člana 69. stav (2) tačka e) i člana 70. stav (4) Zakona o javnim nabavkama („Službeni glasnik BiH”, broj: 39/14) te na osnovu preporuke o poništenju postupka Komisije za nabavke utvrđenog u zapisniku o ocjeni ponuda broj: I-25-1035-9/15 od 30.10.2015.godine, člana 4. Pravilnika o unutrašnjoj organizaciji Agencije „Stari grad” („Službeni glasnik Grada Mostara” broj: 4/06) te na osnovu Rješenja o imenovanju direktora broj: UP I-02-36-2462/07 od 26.3.2007.godine, direktor Agencije „Stari grad” d o n o s i

ODLUKU O PONIŠTENJU POSTUPKA JAVNE NABAVKE

I

Poništava se postupak javne nabavke Agencije „Stari grad” JRJN: 452625210-9, Tekuće održavanje i konzervacija zidina starog grada Blagaja (Stjepan grad) III Faza, konkurentski postupak, radovi, objavljen na portalu javnih nabavki, obavještenje broj: 1235-7-3-12-3-4/15 od 15.10.2015.godine.

II

Ova odluka stupa na snagu danom donošenja i ista se dostavlja svim ponuđačima.

O b r a z l o ž e n j e

Na osnovu objavljenog obavještenja Agencije „Stari grad” o nabavci na portalu javnih nabavki broj: 1235-7-3-12-3-4/15 od 15.10.2015.godine za javnu nabavku radova JRJN: 452625210-9: Tekuće održavanje i konzervacija zidina starog grada Blagaja (Stjepan grad) III Faza, proveden je postupak prikupljanja ponuda konkurentskim zahtjevom, a istovremeno su dostavljene ponude trojici ponuđača.

Nakon izvršenog otvaranja ponuda od strane Komisije za nabavke dana 27.10.2015.godine, komisija je utvrdila da su zaprimljene ukupno 2 (dvije) ponude i sačinila zapisnik sa otvaranja ponuda koji je dana 29.10.2015.g. dostavljen svim ponuđačima. Ukupna cijena ponuda sa PDV-om po najprihvatljivijim ponuđačima redosljedom iznosi: 1) 66.450,15 KM firma DZG „Građevinar Fajić” d.o.o. Mostar i 2) 71.036,55 KM firma „GRADNJA” d.o.o. Mostar.

Na osnovu izvršene procjene Komisija za nabavke je dana 30.10.2015.godine izvršila ocjenu ponuda i sačinila zapisnik o ocjeni ponuda na osnovu kriterija za dodjelu ugovora – tehnički zadovoljavajuća ponuda sa najnižom cijenom, a u skladu sa uslovima naznačenim u tenderskoj dokumentaciji objavljenoj na portalu javnih nabavki dana 15.10.2015.godine. Komisija za nabavke Agencije „Stari grad” je na osnovu člana 69. stav (2) tačka e) Zakona o javnim nabavkama („Službeni glasnik BiH”, broj: 39/14) dala direktoru preporuku da se postupak nabavke ugovora za Tekuće održavanje i konzervacija zidina starog grada Blagaja (Stjepan grad) III Faza poništi iz razloga što su cijene svih prihvatljivih ponuda znatno veće od osiguranih sredstava za predmetnu nabavku.

Naime, za predmetnu javnu nabavku novčana sredstva Agenciji „Stari grad” su predviđena u budžetu Grada Mostara za 2015.godinu („Službeni glasnik grada Mostara” broj: 4/15, strana 258) u iznosu od 60.000,00 KM (sa PDV-om) što uključuje i obavezne troškove nadzora nad

izvođenjem radova. U Odluci o pokretanju postupka predmetne javne nabavke broj: I-25-1035/15 od 13.10.2015.godine navedena je procijenjena vrijednost radova u iznosu od 58.400,00 KM sa PDV-om (ostatak od 1.600,00 KM planiran je za troškove nadzora predmetnih radova) što je za 13,78% manje od najniže cijene pristiglih prihvatljivih ponuda (tj.66.450,15 KM). Obzirom na prirodu posla (Tekuće održavanje i konzervacija nacionalnog spomenika) naprijed navedeno predstavlja nepremostiv rizik za uspješnu implementaciju navedenih radova.

Polazeći od gore navedenih konstatacija i činjenice da je Komisija za nabavke utvrdila da cijene svih prihvatljivih ponuda su znatno veće od obezbjeđenih sredstava za predmetnu javnu nabavku, direktor Agencije „Stari grad“ je utvrdio da su ispunjeni uslovi iz člana 69. stav (2) tačka e) Zakona o javnim nabavkama te kao ovlašteni organ ugovornog organa donio Odluku kao u tački I dispozitiva.


PRAVNA POUKA:

Svaki ponuđač koji ima legitimni interes za konkretni ugovor o javnoj nabavci i koji smatra da je naručilac Agencija „Stari grad“ u toku konkurentskog postupka poništenja javne nabavke prekršio jednu ili više odredbi Zakona o javnim nabavkama ili podzakonskih akata, ima pravo uložiti žalbu na postupak u pisanoj formi u roku od pet dana od dana prijema ove Odluke o poništenju postupka javne nabavke.

Žalilac izjavljuje žalbu URŽ putem ugovornog organa.

Prilog: Zapisnik o ocjeni ponuda Komisije za nabavke broj: I-25-1035-9/15 od 30.10.2015.godine

Direktor:



Miralem Fajić, dipl. pravnik

Dostaviti:

1. DZG „Građevinar Fajić“ d.o.o. Mostar, Ul. M.Tita 196, 88000 Mostar
2. „GRADNJA“ d.o.o. Mostar, Opine bb, 88000 Mostar
3. a/a